

荀

河

文

鈔

笥河文鈔目錄

卷一

擬平金川頌

并序

哨鹿賦

後哨鹿賦

聖謨廣運平定準噶爾賦

聖謨廣運平定準噶爾恭紀四言詩百韻

謹序

平西頌

謹序

恭慶

聖母崇慶慈宣康惠敦和裕壽純禧恭懿

皇太后七十萬壽文 謹序

平定兩金川大功告成恭紀 謹撰紀實一篇

聖駕南巡典禮慶成恭紀 栢梁體詩二百韻

筍河文鈔目錄

卷二

同姓中黃先生之官蕭山教諭乞訪問先世譜

牒爲書數則

錢塘吳氏家傳

少婦周記事

庚午科舉人呂君行略

衢州府知府穆巷林公行狀

先府君行述

雅宜山人王履吉借券跋尾 有詩

蔣秦樹編脩墓誌銘

書羅烈婦李事

警烈婦景事

洪烈婦祠碑記

有詞

書趙王氏事

邵念魯先生墓表

博平縣知縣朱正甫先生墓碣銘

吳夔潭先生哀辭

貞烈婦張偶姐哀辭

和州二薛孝子祠祠碑記

穎上王貞烈女墓表

卷三

說文解字敘

和州梅豪亭記并銘

先兄仲君行狀

書蕭山汪氏二節婦事

唐彭況樓殯誌銘跋尾

漢西嶽山廟碑跋尾

山右三忠祠碑記

有詩

董文敏公御書樓記跋尾

李氏金一
烈婦史氏哀辭

河南道監察御史胡墓誌銘

重刻典復潭柘古刹十方常住碑記

書婺源王與節婦事

麻城梁君客葬墓碑記

有銘

朱梅崖先生墓誌銘

擬平金川頌

并序

皇帝撫天下十又四年，神靈威武變化于荒外，東自泰遠，西自外國，南自濮鉛，北自祝粟，四極之民，厥角走脛，以犇以从，不隔耳目。惟時南荒小醜，曰莎羅奔，據金川之險，鏡陵滔河，麥其封長，用蠶食諸酋，長既即天刑，更迺下扼上衝，恣蠶虜之毒，以緩鋒鋒，磨日確時，且闕蜀道。皇帝居于蠅蝟夔夔之上，神謀天惟，曰予

神祖

聖宗既昇，予以版章，尺土予不得私矧，九邊六場使躡

踐于蠻荆予曷上于人人中朝外軍咸用嚴發
於時臣爾丹以某官往臣黨阿以某官往臣赫
德以某官往臣繼善臣楞以某官往刷猛剔謀
坦坦嘽嘽如激而怒同嚴天威越日爰下

明命以大學士臣恒經畧諸軍

天子親授以指畫出玉犂餞之于郊

賜有尙方斬馬劍赤羽白旄熠耀日月鳥旌龍章鱗
張翼舒鞞騰婀娜整軍盛服旣歷其境一戰北
之是時小金川良爾吉詭綏于我師洩賊以謀
賊用負嶠不窺于闔目老我師恒用

王命數其罪斬爾吉軍中賊大墮魄遂進昔嶺攻巴
郎扼其險害以與賊橋賊羣窟于礪樓圖險自
保恒督軍士用飛礮連擊下其重礮數十忸陵
轟穴填軋吐嘩吹若震天鼓賊大竄乞生降恒
等以聞

皇帝神武不殺

皇太后至聖無不幃載下班師詔賊卒窟穴保命狐鼠
不出時鍾琪在列身自奮激入其巢疾馳至刮
耳厓諭布大義嚴正明白賊迺駭汗泥首惶不
得鞞相羅匍地謹獻金佛一尊朱提千鎰面縛

爭出是日臣恒臣爾丹臣黨阿臣赫德臣繼善
臣楞次升于帳中卻金受佛桴鳴鏡吹匄磻喧
嘯香氣溢百里外呼聲出天地壺漿之盛幣帛
之美雜遝紛披以馭以迎降我王師金川旣平
奏凱論功迺封恒爲忠勇公錫豹尾旂鍾琪加
太子少保鎮其地羣臣加秩行賞有差

皇帝坐于廣殿百卿千職咸來畢朝以吉日上

皇太后尊號行謁

祖陵以告于

廟碣之崇碑紀厥成功

正

伏念有殷高宗鬼方逆命三

年克之周之宣王南征北伐鋪敦赫業徐方旣
庭竝載于易詩論于孔子以著其中興之盛其
視金川負厥驚險曠年越時罔克底定惟

天子神聖文武將相戮力怛然同威以申

天勦今令不重布兵不血刃將不代瓜而遠蠻慕德有
苗斯格臣竊以爲當與虞帝誕敷文德同符殷
周以來中興賢聖之主不足方也臣謹作頌一
首錄其事實鋪陳

皇帝陛下神畫天策播于金石世世無替頌曰惟

皇旣登旣雷旣霜旣雨旣風上下四旁莫敢不同海

之東南山以西北蜀脛岐頭羽服火食入水而
胎出石以孕譽波歸瞰莫敢不聽曰有金川絕
于蜀巴其人不才饕餮所家厥先孟獲爲諸葛
擒野狼趨兔反覆厥心子孫孫子在莎羅奔欲
雌羣酋雄以獨尊左鄰刺益右邦剝骨衆落其
膽而指其髮鸞口豕腹遂薦上邦蟻不自量將
櫻飛龍母柔而梗母弱而突鬼方三年危地匝
月羣官百司上逮六卿僉曰勿養惡而滋孽萌
皇帝曰命是惟在予授討于恒翦彼翼羽臣恒出師
帝餞于郊玉樽金罍黃醴綠醪公卿酌之

賜劍尚方孰生異心先斷頂頰恒用

帝命偵于左右吉衰扣笄男女授首撻其昔嶺賊保

巴郎天兵駢羅軀攢尻藏礪樓百仞賊險是窳

電以光敵雷以聲戰石虬觸火流金橫河雲烹

星煇衍豁業峩碧晴漆肝踣踈踈顛礪起礪落

通五丁路酋竄無返乃生乞降牽鈴曳蹙羸屬

滿筐恒告

天子再搗其竅敵我金胄札我羽鍛

天子有命不廛而劉奉

皇太后班師于朝彼豚走豈鼗鯨畏僂瀛則解網入窟

不出小醜大慙感不逃討鍾琪詔之我信女寶
投醜柔入直抵刮耳遠蠻慕德孩耄歡喜相呼
精夫率彼央徒被颿舞蓋攘熙犇趨黃金作像
白金爲壽迓我王師厥角稽首爾丹黨阿赫德
繼善往同相臣覲此縛面惟我

皇帝至仁至明將勇相謨金川蕩平

皇帝神斷誅得其辜用當其勲聰明智勇

天命以君躋清擢明剔濁盪垢八風十雨莫不順序

皇帝大武曰惟止戈薄海內外與天清和以舞以干
以歌以饒坐于元堂受羣臣朝

皇帝大孝

皇太后教自日出所同上

尊號既昌既大既長既厚億萬斯年用介眉壽

皇帝誠敬入廟以祀絜神侔靈惟天地似惟

祖惟

考惟

禰惟

宗告我功德孔烈且新以施無窮

臣

辭淺薄慕于風雅

取托經義作頌在下聞古自昔守在四方

皇帝繼德世世永慶

哨鹿賦

皇帝法大赤之健體順白藏之清時命晉鼓植虞旗
遵乎周原漢京之地高山大風顧蟋思惟所以
教坐作進退徐疾之節欣然冉三而稱夫哨鹿
之事也夫以蟋蟀無康之士東山思勞之婦有
伊耆之遺風爲仲尼之所取而况乎

聖人哦日月而鑄難躬山川而掃迹風者哉於時
天地中間屏恬隆驟候聃且鈞各職先後僉曰
皇獲鹿蹌矣驥矣

皇作賦貫矣碩矣

皇之萌莫不懲安于酖而作氣于鬪矣言觀其旂旣
食其德用樂其時載賦其態方夫嶄崑千山樞
危萬木天霜栗烈以凍空夜雲踈蹇而感日人
行則墮葉琅玕哨吹則犇蹶躑躅乍駭于叮嚀
之場似慕于麝麝之屬爾其環角外向分背中
呼睛注萃而邏迓額戴玉而趨超呦求友而速
跡閃億敵以走踰若迺屏息劉莅獨騎龍嶽廡
月送明谷籟候是乞神取而聲授鬣枝旆而捻
鬚紛難得于百一羌寶貴而愈重所以

皇克禹勤

天錫湯勇蓋欲昭天下以金闕玉英之

聖人其以勞自董也如是夫固踴躍乎三驅而從從
一面而容容者也爰有石戶之農麥邱之老仰
而歌曰石壁未明月朧朧兮舜與鹿遊日月抱
兮匪日之出我

皇之明皦兮又歌曰農中巖兮老中鳴兮昔

皇帝來狩今

皇帝來狩匪鹿之好曰孝道兮于是黃伯鳥獲之倫
腰芙蓉之金鉞首鵠鵠之朱冠相和而歌鏡吹
之篇曰我

皇神武飛天龍手摩玉劍弓牙彤大白小白法

太宗獨騎赤汗踏嚴冬雞跣盤鼓拋襲襲空山

帝到神靈從麒麟先路師子追白鹿仙騎行躡躡金
哨呼夜鳴雝雝圍以正取哨奇攻如吹鳳凰雌
雄倚與伏塵鹿文王同呼聲動天

帝還宮瞰東方出扶桑紅乃有陽乘執研雄固操瓠
幡然而進贊曰美哉

天子之爲此樂無央也其始發也閃皎兮燭龍張舌
裂眦出焉光日珠月珪兮星琳瑯其少沮也窟
窞兮閔不見人若濛汜沸波而腹大陽其類召

而轅也。伾伾林林，甞甞踴踴，香千秋之頰葉而
化黃金兮，躋其上而不僵。其得雋而可喜也。若
白鳥通於聲，青鳥忘于機兮，焮歎兮百靈輸其
福祥。雖高計與翳經，羌瑰琦而芴芒。固至神之
馭物，咸盡性乎我。

皇然後上魁，下能左師右傳。拜手稽首而作頌曰於
鑠

皇清得鹿以義，先王講武非從禽。是戲獸有圃草職
于虞，司秋肅冬結。

皇帝有事古田法圃，哨備今制。呦呦濯濯，咸樂

帝意在周卜彫大獲師至文侯出虞不信于魏曰師
子

祖德信子民志文慎不武安慎不怠惟子孫無極敢告

萬世

後哨鹿賦

客有問於大夫曰蓋聞陶唐坐衢室而膺身來
宮有虞氏恭已阿閣而鹿遊於山泉乎周興小
雅大雅繼之而傳故囿咏濯濯之儕野歌呦呦
之羣夫聖人者有其德矣而諸福之物協符善
瑞其來員員方其盛也不東而蒼繆連蜷以上
旌不西而素麟婉俾以下駉未嘗行乎南朔而
朱鳳翻地角元螭歛天門也是以神不疲而物
莫不興智不煩而物莫不存力不勞而物莫不
安今且將冒玉體而駮霜霧馳金輿而攀嶺岵

儻慌墮蟬躬親其中以與羽林壁壘之士進說
哨鹿之事以爲權竊謂非聞都吁於伊媯陳保
定于典章者哉大夫曰嘻若客之說所謂執秋
蕪而議大椿引夏蟲而語飛雪曾無論乎千里
與八千歲而三隅不可以一絜也子獨不聞我
皇清之興東方乎

太祖以功立

太宗以德同十三甲堅大小白良以羨涉山林用咸若
乎鳥獸于時皇天錫以醫無閭之北藪曰蕪蒿
世惟武事是襄昔者萌失其鹿天下拮之我

世祖角之得其大首克饗燕市德遂受萬國用是肩股乎
衡恒而喉嚨乎終華乎心腹乎洛室而煩幣乎代
家蓋有天下百有餘年

聖子

神孫炎炎施施而未嘗一日忘大武之志金矢而珮
戈也今

天子樹日月之羽飛龍鳥之旂彈玉虎羅金鯨以晨
夕而淵思曰子不敢晏而娛以弛子

祖考之武事維時天地令曰成冬

皇帝開軒以納不周之風七萃六軍砰發靈輿以竝

乎陪京而東乃獲鹿於高嶽大陵也夫其下巖
寒之寥慄索重山于倚廡夜未央而無譁人連
騎而不見千年密林上叫鵲鳴墮葉幡纏焮風
亂暮中瞰磨廡以騰倚呼牝牡而相飯厲長哨
以裂雲崩蹄逞而角進呀駭走而投受儼異類
其賁獻所謂蒼百靈以隄三驅而猶狂魑魍倏
趨而竄夫迺知八荒九麓時有或不脫人有或
不登而

聖人方以爲八鸞於是麟而四明於是麟者凡以率
德而聽訓躬艱難而教行陣也

至尊雖勞鳥可以請閒云爾哉且夫神龍嘘而成雲
驟而出入金石至靈者之跡也

天子之中孚則及豚魚其教則可以馴龜虎亦

至聖者之覩也夫速者鹿跡決驟者鹿之性食則分
背而居則環角鹿之警防而好儆也故詩曰麋
鹿攸伏傳曰與鹿豕遊皆言神明之德上配乎
皇天然後五事之祥無所不致而萬物之智無
所不周僕雖未觀其深竊嘗原其所由若乃黠
者電避駭者雲迎孱者似陂陀悍者似嶢嶠干
態億狀靜視與聽灼若殷火之洞觀而周鏡之

照形然後天下知

天子之明又如來角可意去趾不與逢養不藉以巧
鍛獲賁無取以力搏方其呼吸得失情冽嬰散
姓姓之倫擬議而不得安俄焉還御塔焉空山
然後天下知

天子之仁至於百萬無士一二虎旅熊留衛匡虎驅
行所龜匪斃而鬻麋尾猶生而捉塵想山靈之
夜驚赤日擬其出濟三光正藏星大小數然後
天下知

天子之武况夫歌蕭梢而馬赭摩蒼厓而龍螭蟻倉

大海銀角上園凌雲不足賦其雪峙雕龍不足
辨其瓊痕與神仙而騎驥頌君子於萬年然後
天下知

天子之文爾其邠岐有原本之樛天地有恆久之道
所以秋獮冬狩蘋湘苜蓿日月照天而憂厝火
飲食飫庭而哦魚罩非卽鹿從乎无虞而奮衛
本於揆教夫非講以農隙荒其山高者乎然後
天下知

天子之大聖而孝由此五者古今至德之所選萃也
皇哉美乎哨鹿備矣是故舜以至孝而象耨禹

皇朝通志卷一百一十一
三
以至明而黃龍負成湯以至仁而蛛蝥祝文以
彫獲武以蒼兕狩維我

皇之至德請陳義於斯右

聖謨廣運平定準噶爾賦

維

大清受命

列祖

列宗天幬地垠日月之中四海之外我臣我隸今

上卽位以來修舉典制謁

三陵幸闕里登東岱巡乎大江之南以省問民事西南

平金川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉

朝受贄遠則西洋之域槎海晞日者以數萬里
計莫不循東風謹方物十年而一受吏

皇帝曰嘻上下兩間孰不予臣惟西荒準噶爾實有
元之臣僕據西極之沙鹵策妄策凌世惡誇詡
遠作不靖爲邊萌苦昔我

皇祖聖祖蓋親征三駕其部

皇考世宗所以命將出師欲殲其魁犁其庭而翼其子
也粵

二帝未克翦之志付畀其在予予一人念之二十年一
日其敢暇夫其道里之寥廓瀚海亘乎中央窅

瀾漫以秋春草木失其青黃飛鳥下啄而譙羽
異獸索飲噉雉而狂羲輪下燒乎空磧水泉涸
而不揚平沙汨其千里仰天蓋之茫茫內屬龍
堆外薄蔥嶺樓蘭車師取道越境負康居而擁
大宛做克五色天馬之影其俗控弦耆酒而猛
域中萬里有衆四部台吉宰桑逐水打牲各治
處所儻聯走徙剽若風雨人不知信背欺面詐
蠢爾抗衡利我寶貨天侈其心井蛙自大蓋自

仁皇

憲皇秉白鉞杖黃鉞方有夫驕黠絕遠之誅乃彼昏不

知兵在其顛而荒自活也人之興妖鬼神助之
于是喇嘛達爾札以孽子行逆達瓦齊以亂臣
竊據哈薩克之師掠其邊場噶爾丹多爾濟之
衆守其部署渠魁酒醉酋曲惶據迷鹿昏烏顛
倒跳翥以故台吉車楞車楞伍巴什等暨阿睦
爾撒納等去逆效順畏蜺忻雨欵關而籲乎

上國者萬有餘戶

天子曰咨其厚勞來者朕將享之熱河以親決所便
宜惟十九年秋七月

皇帝至于熱河受降者朝于是蘇離附墨之屬輿韃

竄匿之曹雜還歡喜鬪呀詰聱名王兀其屏息
撞大鑪而伐馨導臚列而拜舞循鉞砌而上高
惕

天儀于咫尺步震恪而不躄赤日曠其照心敢自外
于荒要降侍燕而醉飽樂無涯乎所遭曰

天子其福我願先驅而負馭乃用

錫命乃資赤輅于喀爾喀處其部率渺雄畧與大度
咸推心而置腹九月

皇帝有事于

三陵而躬默禱出師于

列祖之寶城謚思精意神明周流陟高山而降原想風
雨之未收手於澤乎弓矢侶乘翠黃其來遊目
若凝乎望洋耳若提乎貽謀曰元孫其上告在
西戎之巨酋彼荼毒其部人

皇天赫其鑒劉繫世擾我僭籬固

列聖之所讎獺毆鱗其云集獸窘豺而全投請洗兵以
救焚紹我

祖之用休然後六飛翾翾回輿乎京師

天子曰嘻自準噶爾逆亂不道數十年于茲厥野樵

魚牧有獍鴟

皇天命朕中外稱制實惟五刑之討九伐之瀆在我我
其出師誅厥大憝以救頌黎爰

命將軍燦西北而竝進以其來者爲副將軍授之節
鉞致敵而前參贊諸臣左右厥功謀成勇發鵬
攫虎蹲輝輝焯焯天兵出關於時軍容之所叱
搗師行之所經涉霆聲電芒摩拂歎欲騎以龍
文魚目之馬被以文瑋通犀之甲利乎媿羌鄴
善之鐵險乎懸度風災之峽凡夫西戎長技之
所恃于焉倔彊者蓋我師不煩勞而戢善而况
乎

天廟之算神武之籌卽用其人以決其捷所以有征
無戰問罪人而弔國邑固嗒然彼醜之若兔蹄
而豚苴也爾其師律所向闐闐廣張地鼓鳴而
裂堅天鑪燒而照空呼三軍而作氣雪嶺蒸其
中通長途憇以飲馬啮流沙而行康莊先聲嚆
而動九天敷投戈乎烏梁繞兔嶺而踰索爾驪
凍雪而不僵聿二馬木特之所鵠蚌鬥而相戕
我軍闔其探穴拔兩猛乎麗雙迺遣壯士賁
詔馳重驛而告令曰我誅其敗羣而牧夫牛羊嗜來
者爲我貌貅而用執爾貪狼遂躡乎嚙爾丹之

部其台吉來效忠願出兵以載橐韃處者擾而
不藏乃有額林少年兄弟宰桑暨和卓木之戶
捧玉盤而踉蹌僂三腹于俘寶獲其人之尤良
是時大軍蓋莅乎五集賽也聞酋首其酒荒咸
厥角而饜前旗狀飛霞沃乎沸湯拊布錫而併
庫特擒賊使者以降高天纛其行野靡乎博羅
之源而搜山梁陘隘業峩萬里空濶寶露雀穗
所過飢渴覆冰而暄肉骨而活熾絕域就乎熱
路廣袤險易若作甘霖而滿蟻穴惟羅卜藏丹
津昔青海之叛藩敢迪逃而煽敵不卽誅者三

十餘年日轂下馳螭臂力殫一螟二蝮投身轅
門將軍執之檻車送行有巴朗之二醜鴉在林
而忽翻閃列缺以下搜炤三窟而收游魂罪人
纍其既得焯萬軍而譁謹粵以二十年五月朔
我師直抵乎伊犁諸部台吉率先爭來自河之
南極河以北杖戈服劍面東背西咸願出兵執
達瓦齊喇嘛回人黃弁素佩牽羊舛酒除塵進
灑台背黔額婦子稚孩距踴左右日夜我僕以
故皮幣壺漿之誠顏色盟嚔之態靡清日潔源
源熙熙若民生不知挾夫弓矢而謳喏匍匐今

日廼見

天子之德威於焉掀六幕畢九塊五精握兵風與雲
泮妖鳥困而跼翅狂獸窮而側掌撼震幡而懸
月鏡光不逃乎魍魎空漫漫其失路上直視而
目矐山林穰其駭人俄藏身而疑影甘自首而
怯內懼高厚而俛仰夜砲鼓其乍轟萬馬嘶而
脫鞅蜉渠魁其墜心羣觀橫分而不黨遂盡收其
毳幕而俘其少長彼達瓦齊迺蹒跚躑躅迷穴
伏莽走和集斯伯克泚乎橫江之鯨遮而投網
日俯取以燎而我用休享夫其出師半載以往

戎衣不更綻師糧不數餉唐弓夏箭未嘗抽長
戟利矛未嘗滋韜策之士無所發其奇賁育之
倫無所試其勇而自衷行西萬里大廣下刻土
版上列宿景植之藩屏丁其祿襁惟

皇帝神靈被格古無以上意者天將轅嬀德而屈嬀
妣跡而昉也大捷布聞四遠照曜于焉鸞輅和
雞人階大禮盛樂鏗鏘旖旎用告成功于

太廟羣臣同聲請上

尊號

皇帝曰都子仰惟

祖考明德非常之功，目遠來告非予一人之力，羣臣歸德于予，朕慙一忠焉，惟

皇太后聖德自天所極，東西南北輪廣，取罔不心服，知西戎萬里近在九譯者哉，朕臨天下亦惟蚤夜祗受

皇太后之教，用集大烈如天之福，其崇上徽號以展朕意，羣臣咸頓首曰俞哉

孝德六月己酉

皇帝躬至于

壽康宮奉上

寶冊鉅典焜煌仗列華焱羣臣次進升歌樂洽

御太和殿拜舞在職于焉冠佩之容鼓吹之節旨導
旨迓春麗山肅上乎天安之門翥金鳳而詔萬
國

詔曰五嶽四瀆帝王之藏命官致祭出師諸臣嘉乃
偉烈其爵賞以次中外在事諸臣汝勞用敘京
師文武百職事有晉級有加賚越歲秋奉試天
下士其廣中式者所在錄囚輒減赦其罪禁嚴
讞免逋貸存問無告恩典三十與天下大治然
後按黷鼓之律考糞街之制軍以俘京獻于

廟社

天子御午門而莅焉繫頭施佩牽入十步撻鉦鳴鼓
百僚咸在司馬上請曰司寇是司所召昭示誅
宥惟

帝所置莫不跂然而觀達瓦齊之俘至曰偉哉今日
大武之禘皇而鉅典之加噦也由是崑崙之西
身毒以外思慕威德咸請屬隸握江歷之珠璣
獻壽林之蔥翠師子大雀四靈之瑞古黃茲白
萬里之騎玉門籛金天嶽陳幣自日入所溯日

所出以騰驤于郵驛者灼爍乎其相繼于斯時也百年見虞樂周禮之興六職由文事武畧之選四民以十言五教爲常九海以丹甕白瑄爲近由榦而枝荷末一本而况

天子黃幄獨斷萬皇之外以邇未嘗貫一鐵染一鋒者奇功也奉

皇太后讓善崇名敷其文教至以窮髮之北爲玉食地供娛色笑古者以天下養安得較乎此大孝也天下由是崩然而稱曰魏矣極矣莫與則矣而皇帝方淵然雲牖三神辟蠻裔假之是卽與夫

列祖

列宗所以震也思默者方且凜然現國鉅之訓慎
山垤之戒而陳有坐之器芳亦芻蕘之得日
星景而所其無逸夢牧卜獵而箴于有位
大穗輪共祥而一夫勤乎扇暘白麟奇木昭其
應而四維凜乎朽索左詩右書金夏玉乃
夫庭堅伯翳之儔日月朝夕相與勗郡俞而
吁咈若此乃所稱

至德也曰三至善而不居遵皇極之正路用垂則于
世世在金版與玉鏤惟小臣之蠡測爰珥筆以

奏賦

聖謨廣運平定準噶爾恭紀

四言詩百韻 謹序

代弟珪作

臣伏見

皇帝陛下六龍時乘德與天一四表兩間無不周漑
御極以來奉

皇太后再巡

盛京謁

三陵展孝思東升泰山

幸闕里以祀孔子南巡江浙

躬省民事皇哉大禮備物未嘗有也金川小蠢卽殄
卽平乃者準噶爾部僻處西荒世其凶德

皇祖

皇考張申捷伐不訖于誅天厭厥類其孽子喇嘛達爾
札暨亂臣達瓦齊更相篡竊虺蜴荼蓼厥部離
心時則台吉車楞車楞伍巴什等暨阿睦爾撒
納等數十萬戶斂關乞降

天子爲幸熱河莅而享其人飫沃謹呼同請効命
皇帝神謀天斷乘時發機乃

命將軍出師討之卽用其人導師前行西北兩路同
日迅發千軍萬騎馳越乎瀚海若瞰沸雪若風
刺草自克烏梁海至于阿爾泰山梁百數十部

落台吉宰桑厥角恐後我師入于伊犁降青寧
叛人羅卜藏丹津及其二子又獲逋酋巴朗孟
可等悉俘以來師涉伊犁河而西標山毗川掃
閭蹈壘用夜入其鄂立土營賊兵負山面溽自
相驚蹂追擒其帑屬部人達瓦齊以其子及數
十人走和集斯伯克繼懲之以獻捷聞

皇帝躬至

太廟徧告

社 郊

山陵越名山大川羣臣請上

尊號不許乃以吉日加上

皇太后徽號爵勲賚功周布

恩澤與天下大釐俘至獻于

祖

社

皇帝登午門以觀辰旂豹罕球鏞鏡鼓飛揚鏗鐃百
秩敘進咸頓首賀臣伏念易稱高宗殷之盛天
子其伐鬼方三年而克之若是難也小雅詩人
欲張大宣王之功曰薄伐玁狁至于大原

荒微絕域之辭所以震蕩心目刻畫金石然或
遲之三年之久近在晉國之地猶且照耀方冊
其烈燦然至古所稱王者之師不戰而屈人萬
里之外蓋有其言而無其事今進嚙爾去

京師尙不啻萬里出師不逾二時不見一鋒一鏃
之遺而大功克奏聞師入伊犁之日椎髻之婦
未亂之童望我旗纛若慈父母惟

皇帝陛下神聖文武天之所授日麗霆發燄靈雨甘
百神效職惟所左右誠非尋常所得擬議萬一
者也臣謹作四言詩一篇竊欲準古經義潭思

極精所以導揚

天子之光明式于世世其詩曰

皇帝聖德自天受授風霆在左雨露在右惟十四年

蜀徼蠢聚煽其蝥賊內訌外媾

皇帝命相一撻十仆父子而縛乞命邊堠準噶爾部

西極是守人孰信義若羣鳥獸

聖祖獵之朔漠二狩

世宗命將再彈再鼓策凌有子非種而穀不如鳥鼠同

穴相門是召亂臣達瓦齊寇通名

天朝不自寢陋甘其下人以飽鴟噉諸部瓦解呼天

內附

皇帝曰嗟汝遠無告宅汝子所飯汝子糗享之熱河
厥長

賜綬咸拜獲命死曷以報

皇帝曰吁渠魁可宥將軍出師來者爲副伐罪去疾
往哺而穀十九年秋

帝謁

祖考以禱出師惟

列聖祐天策旣發西北兩道師行三十其里萬數乃濟
詔書壯士馳驟所過部落山川嶮岫譯長宣布咸使

聽觀各逐汝草各牧汝畜除汝敗羣安汝老幼
無驚

王師駭鹿激鶩乃聞乃來若渴飲耐跋海踰嶺巖
是蹀台吉朝迓宰桑晏侯奉上玉盤膜拜獻
弋不舍牲耕不墾據台背而扶垂髻而走草榮
木長雞拊犬嗾後我

王師躍躡邂逅旆旆大纛長途不留天風吹颺五綵
繪繡沙漠萬里如行中雷無警其營無頓其宿
不戮一人不遺一錄直抵伊犁諸部盡收遁醜
既繫叛藩自首賊酋顛倒無所竄伏小犯大兇

取之自寶三捷上

聞告

廟用祝陳設圭瓚奉冊進讀

皇帝躬入潔齊盥漱曰自我

祖萬邦是揉大甲長弓垂法嗣後惟茲大勳尙率由舊
用牲子

社

上帝類造神靈胙饗福應來湊

山陵峩峩遣

皇子赴登降執禮觀于堂構羣上

詩河文鈔

卷一

廿六

尊號謙讓至又聿以吉日奉

皇太后崇號

純禧金冊玉鏤乃

坐正殿受羣臣朝

詔告天下自海丕冒五公四侯望秩燎樞高爵厚糈
功大必售晉秩有位升俊教胄存問勞獨讞獄
平復葺廢決滯剗瑕剔疵

恩澤三十莫不周究爰以俘來牽頸袒肉左命於

禮石

社告奏

帝登午門日出當晝饒轟鼓伐金石撞扣凱樂
日俘是受司馬司寇百職咸具頓首上賀拜舞
衣袖雷電軒轅乾竭明秀

皇帝大德上與

天茂長養萬物日月所透三時成實各得中孚

皇曰念哉與元不穀

皇帝大文經緯宇宙始金終玉高成深就配于文
上刻順慶

皇曰勗哉與天下裕

皇帝大武止戈獻豆粃粃黃鉞孰敢叫吼有不恭頌

視厥頸脰

皇曰戒哉與天下懋

皇帝大功亘古莫較莫西之廣南北之表帝不能羅

王不能

皇曰敬哉與天下懋

皇帝大矣無慮夜流萬國合歡四靈爲盟以天下養

極于載覆

皇曰康哉

皇太后壽小臣頌

德舉一萬漏敢辭不文竊比史籀

平西頌 謹序

皇帝克承

祖

宗之志億萬萬年敬

天休命曰惟我國家

太祖

太宗肇造東土誕膺

帝眷

世祖受之自天之下薄海中外我隸我臣

皇祖

皇考仁浹義剿旣臻大釐張皇六師討于西醜用授予
一人予一人其不敢忘卽昨以來思繼思述惟
十有八年都爾伯特台吉車楞烏巴什等率所
部萬人斂關內附準噶爾部部分四衛拉特曰
綽羅斯曰輝特曰和碩特曰都爾伯特此其一
台吉也明年阿睦爾撒納自輝特來降且乞師
請誅準噶爾部之亂

皇帝以示在庭或曰厄魯特準噶爾負固之日久矣
自我

世祖賜其酋額實汗冊印俾統西陲諸部厥後噶爾丹

自立爲台吉犯我喀爾喀

聖祖三征乃俘厥子逮策妄阿喇布坦及噶爾丹策凌
再世濟惡敷擾哈密

世宗命將殲之於馬爾得尼招自是邊圉寧謐以迄於
今今來者以厥部亂故其人獸心恐不可信

皇帝曰噫是

皇天將以西陲之壤授予而佑我於

列聖之志也往者噶爾丹策凌死其孽子喇嘛達爾扎
者實奸其嫡子策凌多爾濟那木札爾之位居
無何達瓦齊復竊而有之四部離心若走水火

抱持鞫子用大哀籲于我王師欽哉欽哉時不可失是秋

皇帝幸熱河召見來者與語推布驅策盡得其要領爰

命班第爲將軍卽以阿睦爾撒納副之使導我師且令固倫額駙色布騰巴爾珠爾與之偕察其動止以集軍事二十年春

詔西北分道出師兩軍會於阿爾泰山踰山而下譯者奉檄宣布所過諸部台吉在前宰桑在後犒師相次我師入於伊犁達瓦齊以其驍人竄伊

犁河而西我師渡河躡之于格登山遂俘以來
皇帝御午門受之赦達瓦齊封爲親王伊犁平初阿
睦爾撒納覬覦爲台吉欲盡有四部及聞王達
瓦齊不誅而所欲未之厭居常怏怏不衣賜服
軍中所在檄書輒用私印徵發狀頗

聞

皇帝密諭將軍班第等令誅之未發阿睦爾撒納覺
之跳去且流言以撼其黨巴礫克什木等發兵
斷我臺路將軍班第參贊鄂容安等死之或曰
賊勢方張不易撲滅也

皇帝曰吁是其可赦二十一年春師進討賊阿睦爾
撒納亡命入哈薩克明年春復

命將軍成衮札卜等自朱爾都斯入伊犁將軍兆惠
等自額林哈必爾罕入塔本集賽撫定諸部阿
睦爾撒納復自哈薩克潛還伊犁遭我軍逸去
我師躡之遂歷哈薩克境其長阿布賚震恐誓
以擒賊自効阿睦爾撒納自度不得免遂走死
俄羅斯界

皇帝遣使以舊約問俄羅斯俄羅斯曰如約遂函其
骨使者驗實以

聞于特伊犁再定諸部台吉惟即爾伯特以恭順存
而其他綽羅斯台吉噶爾藏多爾濟爲達瓦齊
殺之來降輝特台吉巴雅爾以叛誅和碩特台
吉沙克都爾滿津貳於我殲之巴里坤外四衛
拉特悉收悉平其叛者惟回部大和卓木波羅
泥都小和卓木霍集占兄弟小和卓木霍集占
者故爲準噶爾拘于阿巴噶斯以役其部八者
也我師入伊犁初霍集占囚服乞命乃縱之歸
俾供我賦役已而副都統阿敏道以百八入盟
賊盡戕我人以叛

皇帝赫然震怒命將軍雅爾哈善進圍庫車討之賊擁大城四庫車其一也急來援冒死入城而令諸城更置伯克以守久之不支賊潛委空城遁其旁城曰阿克蘇亦逐其所置伯克來降

皇帝以雅爾哈善縱賊失律誅之而以兆惠代將當是時將軍兆惠方逐賊伊犁間聞

命旋師道出布魯古特部其長圖爾古特內屬參贊富德亦將兵絕幕會右部哈薩克與塔什罕構兵我軍入其兩陳間諭以

威德右部長阿比里斯上表稱臣且曰願得自効倍

左部由是左右哈薩克東西布魯特並遣使
京師乃畧烏什收和闐遂以二十三年冬師抵
葉爾奇木城下是役也我軍三千周行萬餘里
其渡河攻賊者僅四百人人殊死戰所向殺賊
然軍亦罷甚遂退保於黑水堡賊兵萬人圍之
數匝我師糧乏火器且盡輒獲神應與賊相持
者三月而副將軍富德等率援兵疾行戈壁中
馬力復不進狀

聞或曰孤軍深入失援事且急矣

皇帝曰咨子夙夜念軍士勞苦令所在選士馬以代

久役者

皇天相子其或者以是克濟我師先是六月既有

成命及冬諸軍先後竝在途副將軍富德果檄諸軍進
援人人爭先恐後二十四年春參贊阿里衮率
後隊馬悉至軍用夜半斫賊營呼聲動天與將
軍軍相聞中外夾擊賊顧我軍不見其首尾則
大駭人相躡蹂圍解我師合而入阿克蘇賊退
而入葉爾奇木及哈什哈爾二酋分城守之我
軍士馬亦暫休息居數月夏

皇帝命將軍兆惠軍自烏什取哈什哈爾副將軍富

德軍自和闐取葉爾奇木母令賊自相救闐六月軍至伊克斯哈拉參贊明瑞夜畧地前行聞騎聲卽之獲回部六人云霍集占兄弟聞大軍分道且至懼甚先棄城去我師遂收二賊降其伯克等兩軍再進參贊明瑞追擊賊於霍斯庫魯克副將軍富德追擊賊于阿爾楚爾戰皆捷富德又追擊之于伊西洱庫爾其地左界巨澤右爲重山鳥道曲折不可上賊盡其衆上山與我軍拒我軍用火鎗飛礮仰面擊之山石皆震動賊軍遭之糜爛乃大潰其衆悉降二酋僅以

其醜三百人走拔達克山我軍臨其所部檄問
罪人其長素爾坦沙順命卽斬一酋獻之西陲
者定捷

聞

詔班師羣臣請上

尊號不許令有司察典禮告祭

天

地

宗

社

山陵釋奠

孔子嶽鎮海瀆百神之祀罔不欲秩行慶冊勳光
是

皇帝念將軍黑水之勞旣封將軍兆惠爲一等公至
是加賚宗室公品級鞍轡以昭異數封副將軍
富德爲侯兆惠富德竝予一子爲三等侍衛富
德及參贊公明瑞阿里袞竝賜雙眼翎中外在
事大臣等敘功行賞有差

詔頒天下

御製太學碑文勒石告成垂示罔極臣以翰林充方

暑館纂修官實記西事謹卽所聞見知識據事
直書作頌一篇頓首以獻其詞曰

天祚我清有天下來卽而順莫不受嘏俎矣西部曰
厄魯特自

列聖世不賓於德顧實汗裔有噶爾丹跳梁爲亂三討
以安阿喇布坦策凌阿占世世草竊濟其慝讒
始康熙年逮於雍正

皇祖

皇考有志未竟我

皇受之曰子可忘欽承

天命順之者昌承平日久兵革不用仡仡九邊戒毋易
動羣鼠之穴相習爲盜卽我邊吏呼

天來告

皇帝曰嗟哀汝遠人汝有孽子實戕汝君汝臣竊之
曰達瓦齊汝部創甚于其出師乃

詔將軍導以來者孰禦我士孰止我馬奔走諸部台
吉宰桑我筐惟實我壺惟漿所過道里奉檄宣
布踰阿爾泰行其庭戶兩軍旣合直抵伊犁城
達瓦齊於河之西成功之速古所未聞撒
走四部再夢我師討之自哈薩克入俄羅

獻其骨有和卓木兄弟殘賊忘我解懸朕我使
節克其列坡不知悔罪于黑水上抗我執事

皇帝有命諸軍速行圍解師合再礪甲兵黃間一發
兩禽遂連我武之揚拔達克山繫達瓦齊以殪
撒納二酋授首及此三捷惟

皇帝功斷之自己出師五年關二萬里惟二萬里我
服我餐實有大造於西之人賜西人布白阿克
蘇賜西人田至于庫車自其左右有哈薩克自
其東西有布魯特曰歸我

皇初隔中外今其屬國同被冠帶曰慕我

皇始頑而昏今之西極咸

尊咸

親凡此武功非拓土地曰嗣

列聖以成

先志昔之西陲

聖祖三征

皇帝定之悉爲編萌昔之西陲

世宗遠伐

皇帝定之比于門闔惟我

皇帝永念勿忘

皇天佑之有此殊方出師之初衆惑不信

皇帝古斷師遂以進及于奏功屢破而平

皇帝不疑遂以有成其進其成

帝歸之

天屏絕羣議

帝志之堅惟我

國家自東肇興率彼西宅錢日惜實惟四極所

天付

皇帝

皇敬受之治億萬世

恭慶

聖母崇慶慈宣康寧敦和裕壽純禧恭懿

皇太后七十萬壽文

謹序

惟

天以至孝之德錫我

皇帝奉事

聖母于今五十有一年

皇帝卽位之二十六年

皇太后春秋七十冬十一月恭逢

聖母初生之辰仁壽弗祿靡有涯極惟

皇帝所以承順

聖母德意而廣之天下以上迎

皇天之麻者

天子之孝無以加焉臣伏卽所見聞陳其大者

皇帝誠敬

圓壇

方澤南北祗事四享一祫格于

太室必

躬必

親風雨順從福應感禱天下咸知

皇帝之德如是而

皇太后每于

宵旰之先雨暘之候

官中步禱饗答

元穹爲

皇帝則效此

聖母德之至也

皇帝聰明作民父母

屬車天行中升于嵩東岱西臺南巡乎大江或

三歲以秋獮北朝外藩天維地必仰首而思

天子之幸焉天下咸知

皇帝之澤如是而四巡所至

皇帝必奉

聖母以行

皇太后喜所過賜予以億萬計

慈寧一豫沃膏吹榮咸樂其意此

聖母澤之廣也

皇帝神武者定西陲二萬餘里日入之部天西所極歸

我版圖天下咸知

皇帝之武如是而

天子方以西土告田上佐

玉食所謂以天下養者乎此

聖母之福以成我

皇之大武也

皇帝天文燦然作爲連珠上

聖母壽在昔周旦述雅載美文母說者以爲盛哉以聖
人爲之子而歌詠其母后然特臣子之事耳今
以

天子而躬修士之孝古未嘗有此

聖母之聖以成我

皇之大文也

皇帝至孝奉養無方晨昏

左右常如一日於時

聖母七旬

皇帝合萬國之懽心爲

皇太后祝釐咸趨咸來

皇帝卽宮中爲綵衣之舞奉觴前爲

壽諸王等以次舞酒行歡甚定日四海臣民聞者咸呼

萬歲太和之氣先見休嘉歲旦日月合朔於婺女五緯

之宿相生如珠熒然見於子丑之次是冬

聖母萬壽明日適迎長日之至意者

皇天以是昭美

聖母萬壽無疆之符而用答我

皇帝至孝之意引無極也

臣

謹按傳記有有其應而

書之者矣有有其德無其應而書之者矣未有
有其德與其應而不編之玉簡著之金牘者也
今

皇太后有如是之壽而

皇帝躬至孝之德符合于聖典而瑞見乎

皇天

臣

竊以爲漢司馬相如班固唐臣柳宗元竝著符

命載之正史其文斐然而實則未至臣躬際斯
盛誠歡誠忭輒據經義覃神極思作文一篇命曰
元符以發揮我

大清福應之盛原本

至德億萬萬年於是乎始謹頓首以

獻其文曰

遂初之紀元氣昆侖焱焱淵淵羲舒嶽渤天生
聖人粵若青丘頌華胥之洲彤龍嶠常羊之陬
大電穆流以纏黃軒大星駢舉而揭朱宣景僕
映杓乎瑤光陳豐繇貌於聖跡有唐則奄風三

河之觀虞則大虹重華之觀意苴鈎鈐文命之
辰白月黑龍天乙之年莫不推雞儀運龍斗雲
翕風布霑霽勵輿曰生聖人肇哉聖母臣愚以
爲皇古之跡庶克倬僑若天地外非耳目所卽
不可根柢以爲信實若乃握正義哦雅詩姜嫄
生民太任思齊妣嗣以徽姜盛以才繫成周之
三續載六經而法垂是以周公歌之孔子筆之
詩光蔚然傳至今日蓋越三千八百而景耀斯
宇也三五而述漢唐以邇崇誕日叶慶紀千秋
浹魚藻之歡萬歲鋪燕饗之美珠沼蘭殿舉其

徵雲龍羽人躡其兆將以跂夫烝烝之典雖雖
之詩羌莫得而緝紹焉洪惟

大清駿命熙祚申錫乎

皇天權輿

帝女朱果是吞實佑啟我

列聖東土之興勃焉暨

文皇后乃以

帝母翊我

世祖鱗翥瞰麗天飛日午而遂撫有乎天下自是坤占

正則乎

萱殿而官史播聲於椒塗

三朝翼翼怡怡愉愉至今

皇帝以至孝治九有惟我

聖母德靡福會地符天休勞溥若海運龍旋若山京

更三萬年而不一聆睇而

聖母則左逐右召

天相其意若頤受而指投也今夫

聖德之盛篤生

聖人

至仁也輔迪

簡河文鈔

卷一

四二

聖人爲神民主而治莫盛於斯時

至慈也恪事

天

祖而步禱乎法宮

至誠以恭也陛庭春溫而環海澤逮

至加以惠也嘗出

懿旨舉行親蠶之禮爲宮中則範

至勤以儉也

聖母之聖天下旣聞矣謹以

皇帝聖孝所以上承

聖母之歡而爲自古帝王未嘗有者言之

天子深愛恹恹悅澤世世悌京師則

慈寧數駕別館則

壽康三至雞鳴日中貴爲

王者而佩服山行動乎色容此

皇帝之恒行昭融者也至於歲行四序令節吉辰元

日臨臘陽暉正春

皇帝供

玉饌于長春之館頒大賚于同樂之園時則焯燻

鏡繆丹鸞曼衍大張是暇火戲山高水長

延薰滌滌沸流蓬島瑤臺簫鼓龍舟日芰荷香
綠淨邈迤夫容焯爍被乎禁水

皇帝則奉勺藥之和以進芳菲甘旨中秋金精甌銷
土吐梧桐九日黃鳳下舞於焉侍

慈宮之宴言告瓊粒之膾膾冬奉

安輦入居

壽安初日瀛臺冰嬉是觀九彩儵聊十光班隣

皇太后喜

帝爲加餐此

皇帝之歲時侍養泮與盡歡者也若夫赤鯉手圖近

或數百南圻上苑射虎農隙湯泉煮砂沐浴赤
日時奉

聖母溫清孔吉或賊盤阜秀斲石骨萬年怪松飛瀑噴
滴熱河環山避暑所宅大廚翠蒲舞薊蔥荷
風如簀時乃秋獮稅于木蘭戴瑀鹿豕菘菜
丹嬰鉉薦豆遂充庖人

行殿上供

聖母饗殮其或周覽垓埏

警蹕四巡北則鬱鬱

陪京

祖

宗之原父老盤跚攀

金根軒四上清涼燻闥與秘祝

釐祈年東躋岱宗萬物卉榮日觀蓬萊輪囷雲上氣迎

武生于是鼓紫鸞舞赤鶴

皇帝方奉

聖母觀乎三江五湖之飛濤葩珠璧與錦綺下神光而
玉琢玉浮石踞會稽上高

安輦所過草榮水潮若照玉燭而四和以調此

皇帝承

聖母意悅耳目而娛心志者也

臣愚以為是也

聖壽六十以前所已有者自海之所謳歌而柱史之所

睹記也

國家土宇販章鴻到龐厚帝朔東西既全而有惟
天以西嶺巖積之外望嶺層氷之間列幕三
城或後歎關佩強國備而仰不觀天自我

列聖定鼎以來數世而未賓矣往者

皇帝既以金川告功彰

聖母德尊上

徽號于時發策用鷹揚之勁過師越龍堆之輿先授尺

組牽厥大長以來遂收四衛拉特克有伊犁玉
關廐亭赭沫屬羈馱蹀躞廓而天戈已麾乎哈
薩克以西自西而南諸部曰回曰布魯特以逮
喀什噶爾若葉爾羌歐呀爬掌千百其歸厥版
我隸厥田我治冠帶咸被糜麥大肥宅土中測
晷正蓋地築而天槩

皇帝乃收金穰於一隅合萬方之玉食從容侍
膳指顧西側曰自天所覆我稼我穡欲一怡

慈寧顏色焉策推重光十年以來開闢殊域遠越漢唐
校尉都護所治之部不知其幾萬億于時

徽號再加

聖母悅懌天下咸曰

聖人之養進乎四極此事四盛雖唐虞未之間然哉非
人力也大功告成

聖母七句

皇帝乃挾精鏤鐵寶契而上加乎

恭懿于斯時也王母獻益地之圖老人昭德靈之說
寶王于和闐轅天馬于宛地辟靡之場
榮外園之屬陪賢開瑞家象臨八世之鉅
人觀自崇之冠佩並有官老

天潢之耆英王國之碩輔或匡衛殷鑠以爲列或攝
車柴虎而借侶元髮渥頰鶴視鴻臚綵綵而來
觀者凡 有七人

皇帝詔圖之於秘府用祝

純嘏若其五都闐墮九爐映璫構屋則十州環宮徵歌
則六鳳迭嘖璵璣與珊瑚錯洛鵲鵲與麒麟羣
類賓連華平萌蓼草木之葩絳軒都虛天嶠魚
龍之戲爛月恒與日升穰天符而地瑞自天之
下思見王會乃

御玉殿開

金闈鳳銜

詔而下來廣

慈寧之福康

皇帝遂詣

壽安稱

萬壽之觴

躬九成之舞諸王貴人相次左右節應律呂鏗

纒愛日正午曰祝

聖母與

天齊壽是歲也正月朔日嫠女之次若璧合一燦燦五

緯水居牽牛木火躔危營室土金貫珠葳蕤蓋
在元枵姬訾之舍逆序以推而

聖母萬壽之辰實迎長日之至闕乎協哉

天示珍符照燭若是

皇帝曰都予其爲

聖母祝釐用敬答

天意焉臣愚以爲惟

皇太后之壽

皇帝之孝上契

皇天應誠而效宜召太史迎日推策演一至萬以明貞

元之運兼帝王而同天地者憬然

今日而始見也

聖孝光哉

聖慈康哉

皇天示錫以嘉祥哉

平定兩金川大功告成恭紀

謹撰紀實一篇

乾隆四十有一年春二月

皇帝再平兩金川金川僻在西南其名不聞於古在漢冉駹唐維州絕徼之外隋嘗以金川名縣而唐縣之屬維州者近之宋世金川之徭與邊吏接兵其事不著正史明代隸雜谷安撫司與董卜韓胡同族

國初順治中沃日歸誠康熙六十年土舍色勒奔初內嚮實受印信爲我外臣其地南踰蜀徼西遼危藏所在危藏者禹貢所稱南海三危地也

而金沙諸江之源往往濫觴其間於是有金川之名又西番語大川曰促浸小川曰趨拉於是
有兩金川之名其中純山少平地瀘水奔流其中太古壘石飛雪不消箐林蒙樹尺寸踏躓無
路其人漆跣能自下上若鳥跡獸跡然越在荒服不繫於邊羈縻勿絕而已十三年狼卡首禍
繫趨拉土司澤旺以抗命

命大學士傅恒往經畧諸軍至軍先召其黨良爾吉
阿扣斬之狼卡懼時提督岳鍾琪獨身入噶喇
依宣諭

威德狼卡乞降

皇帝赦之不殺俾守其土司如故而歸澤旺於趙拉
故地然促漫自恃所處遠險外隔美諾中有勒
烏圍噶喇依之重障意中國師不能度嶽輕入
而其兵力在九土司中號最强用敢不靖游食
鄰部二十三年促漫以兵逐革布什咱土司索
諾木多布丹及趙拉土司之子僧格柔於吉地
官寨四川總督開泰檄調綽斯甲布兵斷其糧
路又令章谷土司助趙拉攻之而遁時以番部
互讎殺不足誅

詔九土司并力分戰促浸以番攻番可毋勞中國師
久之促浸據丹霸之沒亦金岡二十七年秋七
月侵綽斯甲布之甲角俄坡地九月與從噶克
梭磨卓克采革布什咱三土司戰冬十月兵擾
巴旺之隔河瓦素地二十九年潛兵赴釐拉綽
斯甲布所在劫掠三十年再襲綽斯甲布與鄂
克什構兵不休三十一年秋九月狼卡來言乞
頒前所請印信冬十月總督阿爾泰等赴康八連
狼卡迎於道側願悉反諸土司侵地以其女嫁
釐拉土司之子僧格桑二十五年釐拉遂侵鄂

克什地搆之明正木坪兩土司請往諭趙拉不
從則擊之秋八月阿爾泰等赴連圍僧格桑來
稱其父澤旺老病且言鄂克什部詛其父子故
構讐今願罷兵歸其地與所掠人許之於是促
浸趙拉益橫無所忌且其俗僞傳有殺至維州
橋之謠兩部輒妄相譏以爲狼狽相依雖中國
莫如子何三十六年夏四月促浸土司狼卡之
子索諾木以計蠱草布什咱部頭人戕其土司
索諾木多布丹并竊其妻阿爾泰等以兵往責
問索諾木倔彊不聽命且攻鄂克什部六月促

浸索諾木趨拉僧格桑兩酋陰相搆煽期日發
兵分侵明正土司界以叛秋七月

詔總督阿爾泰等分路討叛者冬十月克復明正侵
地十一月阿爾泰罷

命大學士溫福自巴朗拉總督桂林自約咱進勦十
二月竝克之三十七年春三月桂林遣軍收復
革布什咱故地溫福克資哩尋罷桂林

命阿桂爲參贊大臣赴南路冬十一月阿桂攻克翁
古爾壘十二月克僧格宗遂克美諾溫福攻克
布朗郭宗底木達執土司澤旺以來趨拉悉平

而僧格桑自美卧溝遁走促漫乞援於索諾木
兩軍既會乃

命溫福爲定邊將軍阿桂副之溫福自功噶爾拉阿
桂自當噶爾拉進討促漫三十八年春溫福
軍於木果木克背領復六月索諾木既得僧格桑
畱不遣而遣其頭人七圖安賂爾歸師與之偕
間道趨美諾號其故番之降我者厥衆蠡起蔽
木果木山背而上以搃我軍溫福遇害

皇帝赫然震怒

命磔澤旺於市秋七月阿桂在當噶聞木果木變

自南路全師而出

皇帝按圖山川阨隘以軍事問阿桂阿桂具言賊么
磨耳然據地險誠不易攻臣奉

天子之威靈將士勦力多算者勝賊必可滅也於是
授阿桂定西將軍印豐昇額明亮竝爲副將軍
富德爲參贊大臣調滿洲健銳火器營索倫諸
軍赴軍冬十一月阿桂克資哩攻阿喀木雅美
美卡木蘭壩悉復之明亮自南路克赤丹思
止以半歲所克旋失之地復於兩日旣

嘉兩路將軍奏克之捷特以伯益之稱滿招損謙

受益者訓之於是阿桂又克賂頂宗明郭宗再
取美諾收復懋拉全部明亮又克僧格宗阿桂
又收復底木達布朗郭宗曾頭溝所在三十九
年春正月甲子明亮克馬尼山前之拉窠克石
用地雷碎其礮區賊死大半富德繞出山後克
其丫口合爲一奪取絨布寨交西明亮克木谿
庚辰巴圖魯善保仰攻陟其山顛有賊數十
人橫峯出舉鎗殺我其火不然我軍揮刀縱火
而前山巔則燬遭火自裂我軍之氣百倍進克
其卡卡伍十卡角山半石隙一線可通馬爾邦

土人云是爲促浸南路第一隘

皇帝聞之曰

上蒼之佑我軍也是時豐昇額舒常攻宜喜未下與絨
布寨軍竝阻險止兩軍與將軍軍出三路三月
丙子阿桂克羅博瓦山梁賊轉礮下擊我軍傷
者不動伺賊偪發礮中賊立斃夏六月克色湖
普色湖普山梁中三大礮兩坡礮左一右二狀
蛇之應會甲午夜雨霽月落先伏索倫軍於山
兩隘將軍率敢死士銜枚直上破二石卡賊大
駭合圍戰酣則開一角縱之賊走隘遇伏疆場

射之殪須臾諸寨盡下色湖普羅博瓦兩地竝
堅礮賊以死守我軍先後殲之直臨遜克爾宗
自用兵以來此二戰殺賊爲最

上諭將軍曰朕好生不忍多殺其明告以棄逆來順
者賞之於是賊大創其拒我益無罅阿桂遣諜
偵賊守懈所謀言喇穆喇穆崖斗峯齧不我虞
也則麾師偷隘溜蘚蟄息猿引而上竝攻日則
了口下之時南路頓宜喜久明亮尚軍絨布寨乃
詔豐昇額赴西路與將軍軍會令明亮分兵七千助
舒常進攻明亮以不得賊要領亦欲西會綽斯

甲布土司請爲前驅明亮乃冒甚雨走宜喜山
梁出不意克之遂克達爾圖九月促浸師遁獲
趨拉頭人七圖安睹爾等僧格桑妾側累亦降
悉械以至

詔詰促浸令出僧格桑促浸言已死獻其顛骨側累
識之齒鬪有鬻冬十月阿桂克默格爾阻雨於
康薩爾山下四十年春正月庚申雨止夜潛師
拔鹿角超重濠據其山顛復雨雪師不進夏四
月辛卯攻木思工噶克其了口木思工噶興式
梯爲賊部呼噲要害自康薩爾至了口我以銳

師破其連柵排碣沿河所向掃賊無遺阿桂奏
上具言臣此役一日而收三年未竟之功矣初明
亮以賊掘斷達爾圖路不得前阿桂乃檄福康
安將千人助明亮攻甲索海蘭察亦往會攻克
撒撒谷而和隆武亦攻克日旁和隆武故將軍
和起了也勇冠軍明亮令曰丁酉旦畢攻和隆
武先攻中與所部趨上日旁山後突入賊薊賊
積鎗石不及發而克於是達爾圖之得場所在
輒下明亮軍旣得日旁與阿桂所攻之日旁入
當鳴隔一河耳於是阿桂遣舟渡福康安詣軍

并攻山溝之斯年木咱諸寨克之兩路軍合乙

巳阿桂克式梯明亮克茹寨收其麥田五月甲

寅阿桂攻獲噶爾丹寺及噶朗噶諸寨噶朗噶

者促浸一大聚落也而噶爾丹寺賊中相指語

曰名剎我軍得之居既高勢傾賊穴而遜克爾

宗當我軍之後阿桂計必先取之於是分三路

旋攻豐昇額先大軍登梯牆毀寨而入殲賊於

礮中自是我軍直前不顧秋七月明亮夜運礮

石真噶下喧譁以亂軍聲而進拔之戊申阿桂

攻巴占計欲取拉枯喇嘛寺而恩色爾喇嘛寺

更踞其上山立如柱蟻緣乃可升卽緣而升莫
防其後於是紆軍舍圍柱下溝中斷岩洞賊來
襲我令泰斐英阿直搏且色爾人人履頂而上
竟克其寺海蘭察亦攻克果克多山峯進圍拉
枯喇嘛寺躡之常保祿亦攻舊則大海頽其厚
垣辛亥阿桂克章噶寨章噶寨斗立拉枯喇嘛
寺下賊於碉外鑿溝取敗葉朽株布匝溝上薄
土覆之鎗眼隱溝旁溝外立柵以誘攻者我軍
覺之斫柵橫溝乘之以登且登且斫輒據其兩
山峯其日明亮自石真噶下壓克噶西喇嘛寺

丁巳又下壓克沙爾尼溝所在焚其溝南與將
軍隔河而軍戊午阿桂軍繞巴占八九峯後攻
獲冷角喇嘛寺進逼勒烏圍官寨戊辰富德遣
軍掘地道成當噶咱普山腿河灘之間河南軍
五隊河北軍五隊庚午自下施火線火從山腿
轟裂而上木城石卡當之礮下賊守者飛尸空
中雨鮮而墜舒常阿蘭泰等橫撲山腿踈懸崖
折上取其木城癸酉阿桂并日夜攻轉經樓轉
經樓與勒烏圍大礮相倚角中間間以層礮高
礮五重疊山而上阿桂以一軍斷中間使賊不得

相援一軍泝冷角寺竝河之西北而南截賊走
水之路賊有橋曰甲爾日礮橋縱燒以往來自相
救乃募楚士善泅者繫巨繆於橋柱拽橋圯之
又以礮距賊遠我軍火鎗不及中則令軍捆柴
人戴之以手推沙囊蒲伏行至礮公積之上覆
以木柵三重俯擊礮下賊無不倒又穴地用礮
轟賊之掘溝以拒我者百策竝舉賊大窘蹙蹙
以八月庚寅望夜圍合月出當午礮震鎗發火
彈馳翥呼聲與之俱礮石撼動莎羅奔兄弟及
頭人丹巴沃雜爾先竄我軍拔柵斫圍更戰賊

潰死相藉歷亥子丑三刻及曙辛卯克勒烏圖
明亮亦畧琅谷以上焚其克爾瑪斯當安寨九
月甲戌晦阿桂進攻西里冬十月戊寅明亮自
斯當安克什札古閏十月辛亥攻琅谷望見我
軍之攻克爾噶色札木者悉上山陳奎林等自
溝中出山之顛遂克札烏古山梁阿桂軍先克
西里之黃草坪乙卯分兵三路仰攻檄福康安
等繞出木城背下壓賊軍丁巳築礮臺二擊賊
戊午夜烏什哈達等衝而上墜木城十四克西里
山其日富德夜克布爾尼山梁十一月甲戌

朔阿桂攻西里第二峯曰奔布魯木我軍乘夜
冒鎗礮而登亂擲火彈大風助之木城焚海蘭
察乘火直取奔布魯木小峯後隊自上壓其西
里正寨克之庚辰明亮自甲索至日斯滿又至
札烏古木竝河悉下遂據蹶占十二月戊申阿
桂軍亦竝河攻薩爾歪寨進偏科布曲索隆古
下令達色等攻其左烏什哈達等攻其右海蘭
察等自上下攻又檄福康安等逼河空賊寨四
面軍集薩爾歪下立克之甲子明亮克山梁三
丙寅阿桂奏克格隱古科布曲索隆古所在山

梁

上諭曰索隆古距賊巢不遠自此尅期平賊矣庚午
阿桂自索隆古進師據則朗了口明亮克獨古
木鑿通乃當山梁壬申晦克甲雜直抵獨松極
於河西四十一年春正月癸酉朔明亮軍克獨
松隘口遂搗馬爾邦與阿桂軍會丁丑明亮軍
於巴布朗如巴布朗如臨河斗險阿桂軍三面
圍賊巢其一面限河至是圍始合富德亦自馬
爾邦竝河克噶咱爾如諸寨會軍進勦於是阿
桂進克舍齊喇嘛寺又克雍中喇嘛寺兩寺當

賊之吭咽我諸軍扼之賊成摑矣自克勒烏圍
賊部衆雜遯來降其頭人布籠普阿納木達什
阿庫魯等相率降至是索諾木之母阿倉姑阿
青悉降諸軍竝進合圍令曰水軍緝水陸軍柵
陸毋令賊得逸凡四十餘日索諾木惶懼遣其
兄岡達克彭楚克詣營覘我繫之於是賊技窮
不克自死二月丙午索諾木率其兄弟莎羅奔
甲爾瓦沃雜爾斯丹巴及兩土婦頭人丹巴沃
雜爾阿魯木綽窩斯甲尼瑪噶喇克巴竝兩喇
嘛醜屬二千餘人出噶喇依寨奉印信跪

軍門生卽俘獲兩金川平乙卯

皇帝方祇謁

兩陵捷奏達於桃花寺

行在

皇帝穆然謂

列祖在天之佑感通不爽也爰封定西將軍阿桂一等

誠謀英勇公副將軍豐昇額以攻遜克爾宗先登

加封果毅繼勇公再賜一等子弟布延達賚襲

爵明亮一等襄勇伯參贊大臣海蘭察一等超

勇侯額森特一等男領隊大臣奎林本公爵加

賜一等男其子襲爵和隆武以子爵晉三等果
勇侯福康安加封二等男又封大學士軍機大
臣于敏中一等輕車都尉竝世襲罔替復
詔圖畫功臣五十人於紫光閣於時奉

皇太后迎

釐於

岱宗

詣魯釋奠

孔子告成於學還

蹕夏四月丙寅獻俘於

廟

社戊辰

皇帝勞師率王公大臣拜

燾於郊勞臺將軍阿桂至自軍行抱

見禮以寵賚之己巳

皇帝御午門受俘五月辛未朔

皇帝率羣臣恭加上

皇太后徽號

御殿受賀

詔頒天下慶禮大浹

御製碑文四篇一刻太學一刻美諾一刻勒烏圍一

刻噶喇依垂示世世臣伏而誦之仰見我

皇上聖德神功天地懔載

武烈之盛至於闢地西陲二萬里爲自古所未有然
而金川小醜負險不庭近在四川省外用兵五
年平之

御製碑文欲然比於唐之平淮蔡乃知

聖人不得已而用兵之心雖金川之役視西師大小
懸殊要之我戰則克其瑾一也黃帝之銘曰日

中必藝操刀必割書曰其克詰爾戎兵臣愚以

爲平兩金川其成昭著於將軍以下之戮力一
心而其實本於

天子之惟斷乃成與唐臣韓愈所稱編之詩書之策
而無愧者允哉符合臣橐筆翰林竊附斯義具
列金川始末作紀實一篇稽首頓首以

獻

聖駕南巡典禮慶成恭紀
相梁體詩二百韻

臣謹言伏惟

皇帝陛下神聖文武與

天合契乾隆四十有五年春正月管五舉南巡狩之

慶神大洽况又適逢

聖壽七十無疆惟庶始和布

詔萬國歡舞臣以奉使課迪士子遠職聞疆不獲

走屬車先後親覩

盛典偕從江浙士氓照曜

壽域之光華私心跂抃莫可名狀謹極思禪智凝

撰栢梁體詩二百句式備舉書昭示奕禩謹
首頓首以

獻其詩曰

皇帝萬壽巡四維七旬庚子初開支元貞運會乾隆
時四十五年則架架敬

皇天法

皇祖治邊矣

國肇天東陲我

皇卽作洪丕基西北二萬架崦巖版江之源表峨嶺
涵濡在宥昭南離

功德肖天越姒媯於時天下方大釐始和頒

詔咸聞知緬

列聖德液髓肌繼繩

壽域大福禔嶽瀆沉蕤侑

神示

哲后

先師官薦匝

賜賚宗室中外禧周百執事學官比孝順護節聖

所司絹米惠表百歲耆築除橋梁葺廟祠隆澤

宥罪徧羣黎先歲普免租穰穰母耗雀鼠民膏

肱惟

皇帝壽成樂只

皇帝南顧河江湄曰春省二今遲遲越十六年乙庚

期南萌猷

翠華旖旎其考禮舉慰厥思諏吉春正月庚寅駕龍

榻時捐壘夔

發神武門闐闐驅蹕釣魚臺揮蘭猗黃新莊率西山

迤宏思松蓋饒瓊養度先鋒坡懷鼓鞞軒轅涿

鹿阿驅阨四登不遑人帝師存問三家膏雨犁

紫泉水沃赤縣遮濟洪白溝戰壘啞趙北勝又

燕南垂

聖祖靈沼恒在斯親人魚鳥波渺瀕江南思

幸澤先滋毛公舊館引金鉗河間表彰古禮詩宿宿
思賢村獨巋

行幄丹黃四庫披紅杏園花春酣蕙熊安生宅北學
陶太史陳風樂何疲望聖開福塔不敬南北劉
智社屢屢恩泉梁濟黃河崖鬲津道耕平原苗
齊嬰邑古張駟輔潘村結構崗之岷密樾供

眺圓峯照靈巖窳窳石竅吹元奘栢指

天藻摘鐵袈裟洗泉味飴希有佛現方頂颺禮觀世

音刻纍纍遂循白鶴岱雲觀中水行聽泉林
康成注經書帶蘼蘭陵大儒荀家遺

帝來萬松蒙山坡問官里曜雲烏姿程子傾蓋郊子

詒

聖人元契東魯岐龍泉大道黃流墜夏舟唐堙

眷民咨百靈帕觀順河伺咫尺龍風溜斟酌

七騶六御淮行軼邗溝梅萼折涪濱天寧高旻拈

花資大江錦浪浮玉崔

帝五來閱天水奇石頭雄固焦茫迷赤瞰照江天無

私南北歌舞驩旌旗扶觀臺臺跳童兒三義閣

轉鷁猥猥惠山園
眄舟亭機吳波玉
朗淪瀾漪

虎邱見勝

御楫倚五松
磔硤倪迂爲宦光
濯石中孔虧千尺雪
瀑香雪枝天屏上
房媚屨屨琴臺巖
出我湖遙觀
要看七十二峯匯
東西洞庭程園拄

皇勗錦爛以布綦
六日峪向南斗移
平塘款乃泛古
檣三塔斜照烟雨
疑石門取道

觀海涯寧安瀾園
水中低絡石下椿
扞若埤日母潮
角胥種倚海門
正練增水漸錢塘
會稽斗浪危
不勞三千射水犀
明德遺石奠嶼
嶼我

皇臨築萬載隄越山吳地履磨砥湖光十日

天顏怡聖因締造紀康熙我

皇繩

武遊豫宜風篁上上峯髻魁南屏山色圍周墮銀牌玉

戴千年麋凝神爽輦攸伏來六橋三竺神仙覩

帝爲康功來匪嬉毋庸蓮華覽神尼葛嶺清淨侈何

居瑪瑙增美

帝曰喜不惟丹刻惟土茨省方致意是訓彝爰

閱水師校熊羆兩浙十閩樓船殿重臣介冑督與提

餘鯉鵠鸞嫺偏禪六和高塔影參差

皇帝臨觀示止齊陌上花承

鑿輿隨石門沿緣吳門碣蘇賦常秀看不辭蒜山出
口金山嶷此時江心賦

御絺龍潭松鱗六代皮棲霞幾撫徵君碑最高峯頂

臨江巖

帝宿宿此薰蘅離南士奏賦千有奇

詔大車載枚馬攜百年就問徵冊乃登名禮部心則
懷江浙處處歌采芝作人

壽考儀賦鴈燕子磯又嘉山燹再

陞于攝金三躋四月仲呂律先蕤綠楊城郭遲

金鞍海棠菴樹平橋榭殿名直隸薰風靡徐陳村

過

問夏畦甲口水營鱗之而魚莊鱗舍

詢陋卑吉行幾日度工施韓莊有聞高堡籬徐州

帶郭黃漭漭

帝來躬禱幣珪河伯效應天覆麗往來相應捷電

遣自韓莊

還懷版脈新挑河邇濟寧陴長漭老口塗嶇崎珠泉

石屯糴若櫟西女寺慙日夜孜孜禹功遠矣

勤自惟道合德州

六飛馳十日

正殿麗金鳩

臣

聞勤民溯農羨五載五巡書典貽

周官王制考子姒竝海秦刻非實欺漢唐誣誇
殊祇台宋後冊檢荒古追前朝閉聰網大弛下
民情隔自生疵八紘空張失柱檣

世祖受命全有之

聖祖至德天爲吼六巡渡江人戴

慈濟沃下土樂喙跂

世宗嗣位敬益持我

皇紹休彌丕丕志承于

考

祖克仔自天窺管海測蠡式廓以武文用儀東準九角
西參觜繫北戴斗南揚箕油油雲覆布濛天
行以健

壽惟祺久道不已民

念茲五舉

南巡省耜耒溝洫盡力勞虫虫天下治安逾

謙摛惟

聖德準詩書推七旬萬年歌壽眉

皇自敬德

天佑綬小臣詩附無逸詞